



*Iosué surmonte & deconfit Iabin, & plusieurs autres Rois qui s'estoient armez  
contre luy & son peuple.*

**V**AND Iabin Roy d'Asor entendit que les Israélites conduits par Iosué, emportoient par leur prouesse la victoire contre tous ceux qui luy resistoient, il enuoya à Iobab Roy de Madon, & au Roy Semeron, & au Roy Asaph, & aux Rois qui habitoient vers Aquilon és montagnes & plaines; ayant aussi amassé tous les Chananéens d'Orient & d'Occident, & ceux qui habitoient sous Hermon, en la terre de Maspha. Et tous alliez ensemble sortirent estant comme le sablon de la mer, & se vindrent rendre aux eaux de Merom, pour batailler contre les Israélites, qui eurent crainte de voir vne telle armée venir contr'eux; mais le Seigneur les assurant, dit à Iosué, ne crains point, car demain à cette mesme heure, ie te les bailleray pour estre naurez deuant Israël, & couperas les nerfs de leurs cheuaux, & bruleras leurs chariots; & Iosué fit comme le Seigneur luy auoit dit, & print le Roy Asor, qui auoit esté auparauant chef de tous ses Royaumes, faisant passer au fil de l'espée toute cette armée; brula & pilla leurs villes: horsmis ceux qui estoient és petites montagnes, ainsi que Moysé auoit dit. Le butin fut party entr'eux, & toutes les terres par eux conquestées furent iettées au sort, pour en iouyr eux & leur posterité, ainsi qu'il leur auoit esté promis par le Seigneur.

*Iosue Chap. 11.*